

নিউইয়র্কে বন্ধুসভার কবিতার আসর ‘বর্ষার কবিতা’

আদনান সৈয়দ, নিউইয়র্ক থেকে

বাংলাদেশে যখন কদম ফুঠেছে, ফিপের কালো ডানা যখন নিশ্চিন্ত মনে শুকিয়ে  
নিচছে বাংলার সোনালী কাঁচা রোদে ঠিক তখনই প্রথম আলোর নিউইয়র্কের  
বন্ধুরাও মেতে উঠেছে বর্ষার কবিতা নিয়ে। হ্যাঁ, বলছিলাম কী গত ১ জুলাই  
নিউইয়র্কের জ্যাকসন হাইটস্ এ অনুষ্ঠিত হল প্রথম আলো বন্ধুসভার কবিতা সন্ধ্যা  
‘বর্ষার কবিতা’। এদিকে দুঃসংবাদও একটা আছে আর তাহল ঐ একি দিনে  
বিশ্বকাপ ফুটবল খেলায় ফ্রান্সের কাছে ব্রজিলের শোচনীয় ভরাডুবি। আর সে  
কারণেই অনেক কবি বন্ধুরাও রাগে-দুখে, অপমানে তাদের কবিতা কে ছুটি দিয়ে  
হলুদ কদম ফুলের মায়াবি নেশা থেকে মোহভঙ্গ হয়ে চোখে শুধুই হলুদ শর্ষে ফুল  
দেখতে শুরু করেন আর যার ফল হল আমাদের অনেক কবি বন্ধুই আমাদের  
কবিতার আসরে ঠিক সময়মত উপস্থিত হতে পারেন নি। কিন্তু তারপরও সময়  
ছুটে যায় তার আপন খেয়ালে। ধীরে ধীরে বন্ধুসভার কবি বন্ধুদের উপস্থিতিতে  
নিমিষেই অনুষ্ঠানটি প্রানবন্ত হয়ে উঠে। কবিতা আসরটি পরিচালনা করেন প্রথম  
আলো বন্ধুসভা নিউইয়র্ক শাখার সদস্য সচিব জনাব আদনান সৈয়দ।

অনুষ্ঠানের শুরুতেই উপস্থিত কবি বন্ধুদের উদ্দেশ্যে শুভেচ্ছা বক্তব্য রাখেন  
বন্ধুসভা নিউইয়র্ক শাখার যুগ্ম-আহ্বায়ক জনাব ফাহিম রেজা নূর। তার পর পরই  
শুরু হয়ে যায় মূল কবিতার আসর। একে একে বর্ষার উপর কবিতা পড়েন কবি  
প্রতিপ দাশ গুপ্ত, কবি মৃগাঙ্ক সিংহ, কবি শামস্ আল মমিন, কবি সুরিত বড়ুয়া,  
কবি আনিসুর রহমান অপু, কবি আদনান সৈয়দ এবং কবি রিটন মাহমুদ। ফাহিম  
রেজা নূর ইরাকি কবি সালাম আল-আসাদির একটি অনূদিত কবিতা আবৃত্তি করে  
শোনান।

কবিতা পাঠের পাশাপাশি চলতে থাকে পাঠিত কবিতার উপর সিরিয়াস আলোচনা-  
সমালোচনা। কবিতার ভালোলাগা-মন্দ লাগা নিয়ে উপস্থিত দর্শকদের প্রশ্নবানে  
কবিরা জর্জরিত হোন। বেড় হয়ে আসে কবির নিজস্ব অভিব্যক্তি, ধীরে ধীরে  
আবিষ্কৃত হতে থাকে কবির মন এবং শৈলীর গোপন কারুকাজের কথা। তখন শুধু  
শহীদ কাদরীর কবিতাই কানে বেজে উঠে,

রাজত্ব, রাজত্ব শুধু আজ রাতে, রাজপথ-পথে  
বাউন্ডুলে আর লক্ষ্মীছাড়াদের, উন্মূল, উদ্ভাস্ত  
বালকের, আজীবন ভিক্ষুকের, চোর আর অর্ধ-উন্মাদের  
বৃষ্টিতে রাজত্ব আজ । রাজস্ব আদায় করে যারা,  
চিরকাল গুনে নিয়ে যায়, তারা সব অসহায়  
পালিয়েছে ভয়ে ।(বৃষ্টি, বৃষ্টি)